


CONVENIO ENTRE O CONSORCIO GALEGO DE SERVIZOS DE  
IGUALDADE E BENESTAR E O CONCELLO DE O CORGO PARA A  
XESTIÓN DO CENTRO DE DÍA DE O CORGO

REUNIDOS


Dunha parte, D. Anxo Manuel Quintana González, Vicepresidente da Igualdade e do Benestar, en virtude da súa condición de Presidente do Consorcio Galego de Servizos de Igualdade e Benestar segundo os estatutos que o regulan publicados no DOGA do 7 de xullo de 2006.




E doutra, D. José Antonio Ferreiro González actuando en representación do Concello de O Corgo, en virtude da súa condición de Alcalde Presidente da citada Corporación, segundo o disposto no artigo 21 da Lei 7/1985, do 2 de abril, reguladora das bases do réxime local e no artigo 61 da Lei 5/1997 do 22 de xullo, de administración local de Galicia.

Ambas as dúas partes, no nome e representación que ostentan e coa capacidade legal para este acto,

EXPOÑEN





PRIMEIRO.- Que o Consorcio Galego de Servizos de Igualdade e Benestar (en diante o Consorcio), creado en virtude do convenio de colaboración suscrito entre a Vicepresidencia da Igualdade e do Benestar e os Concellos, o día 3 de xullo de 2006, de acordo co artigo 6 dos seus estatutos, publicados no DOGA do 7 de xullo de 2006, ten como misión primordial a participación na dirección, avaliación e control da xestión dos servizos sociais de ámbito local (centros de prestación de servizos sociais de atención especializada e tamén centros de prestación de servizos sociais de atención primaria “cando así o solicite o concello interesado”), con atención especial á xestión integral dos Centros de Día e Centros Residenciais de titularidade municipal, no ámbito territorial dos entes consorciados.




Que o Consorcio nace así, de acordo ás súas finalidades e competencias, co obxecto de implantar un modelo homoxéneo de prestación de servizos sociais e desta maneira:

- garantir o acceso de todos os galegos e galegas a uns servizos sociais públicos de calidade, a través dunha oferta de recursos suficiente e equilibrada territorialmente;
- incrementar os niveis de cobertura, intensidade e calidade de atención dos distintos servizos e prestacións;
- Realizar unha distribución efectiva dos servizos e prestacións a fin de dar resposta ás necesidades reais da poboación, asignando equitativamente o uso e acceso aos recursos sociais dispoñibles, a través de procesos de planificación previa, e tendo como principio de actuación o mantemento das persoas no seu contorno propio.



SEGUNDO.- Que o Concello de O Corgo (en diante o Concello), adheriuse ao Consorcio Galego de Servizos de Igualdade e Benestar por medio de Convenio asinado con data de 9 de marzo de 2007.



TERCEIRO.- Que o Concello manifesta a conveniencia e necesidade de establecer un Centro de Día no seu término municipal e, de conformidade coas previsións establecidas ao efecto no artigo 8 e demais concordantes dos Estatutos do Consorcio, manifestan a súa intención de colaborar no mantemento e xestión do devandito Centro de Día.

En atención a todo o exposto, as partes asinantes acordan outorgar o presente convenio de colaboración coas seguintes

## CLÁUSULAS

PRIMEIRA.- O presente convenio ten por obxecto regular a xestión do Centro de Día do Concello de O Corgo.

SEGUNDA.- O Consorcio xestionará a Centro de Día, de acordo coas normas que o regulan e con plena autonomía funcional, correspondéndolle, entre outras, as seguintes atribucións e cometidos:

- a) A selección, contratación e dirección do persoal
- b) A elaboración das normas de carácter interno e do proxecto de Atención Xerontolóxica
- c) Con carácter xeral todas aquelas xestións que se deriven da cesión de uso do Centro.

O Concello participará na xestión do Centro de Día nos termos e proporción que determinen as normas de carácter interno da mesma e, en todo caso formando parte do organismo de Selección do persoal do centro.

Así mesmo, os servizos sociais municipais colaborarán na tramitación das solicitudes para o acceso ao Centro de Día, de conformidade coa normativa que resulte de aplicación.

TERCEIRA.- Obrigas das partes.


O Consorcio farase cargo de todos os gastos derivados do funcionamento e equipamento do Centro de Día posteriores á sinatura deste Convenio

O Concello cede o uso do inmovible dedicado a Centro de Día situado no Corgo, asumindo os custos derivados do mantemento xeral do edificio e dos exteriores, así como a limpeza integral do centro, vixilancia e seguridade do mesmo e, de ser o caso, proporcionará outros medios precisos para o funcionamento do Centro de Día segundo se reflicten no Anexo I. A aportación

económica do Concello por tódolos ditos conceptos deberá achegarse ao terzo dos gastos totais da xestión integral do centro.

CUARTA.- Comisión de seguimento.

A vixianza e seguimento do convenio encoméndase a unha comisión mixta integrada polo Xerente do Consorcio e o Alcalde do Concello, ou persoas en quen deleguen.



A dita comisión terá como funcións: a avaliación dos resultados da execución do convenio; a proposta, a iniciativa da representación do Consorcio, da actualización da aportación económica do Concello e a resolución das dúbidas e discrepancias que poidan xurdir na interpretación e aplicación do convenio.



QUINTA.- Duración

O presente convenio terá unha duración de dez anos naturais.

O convenio prorrogarase automaticamente por períodos de igual duración se ningunha das partes se opón á prorroga antes do inicio do último ano do correspondente período.

SEXTA.- Actualización do Convenio.

A actualización da aportación económica do Concello será revisada anualmente pola Comisión de seguimento segundo o especificado na cláusula cuarta deste Convenio. Unha vez calculado e comunicado polo Consorcio o custo/praza/día revisado anualmente.

SÉTIMA.- Natureza e réxime xurídico aplicable.



de Servizos de Igualdade e Benestar

O presente convenio terá carácter administrativo, rexéndose, aos seus efectos, polo disposto nas cláusulas do mesmo e, no seu defecto, polos principios xerais establecidos na Lei 30/2007, de 30 de outubro, de contratos do sector público xunto coas demais disposicións legais vixentes en materia de contratación administrativa.

E en proba de conformidade cos termos do convenio, as partes comparecentes asínano e rubricano por triplicado exemplar no lugar e data expresados.

En Santiago de Compostela a 4 de xuño de 2008

O PRESIDENTE DO CONSORCIO GALEGO DE  
SERVIZOS DA IGUALDADE E DO BENESTAR

**CONSORCIO  
GALEGO**  
de Servizos de Igualdade e Benestar

Asdo. Anxo Manuel Quintana González



O ALCALDE DO CONCELLO DE  
O CORGO

Asdo. José Antonio Ferreiro González

## ANEXO I

- Conservación en mantemento das instalacións, estrutura arquitectónica e instalacións de enxeñerías.

- Plan de Augas, Subministración e Tratamento Antilexionella

- Mantemento da ACS e Climatización das estancias

- Mantemento das instalacións de acometidas de enerxías e subministracións así como saneamento e recollida selectiva do lixo, en base á norma de Medio ambiente, e dotación material para o mesmo.

- Limpeza de cristais, do edificio e mantemento de accesos ao centro

- Mantemento dos exteriores, axardinamentos e outros elementos integrados na estrutura do proxecto técnico do centro.

- Sistemas de vixianza e seguranza do centro, cámaras de vixianza e sistema acode e conexión centralizada dos mesmos.

- Mantemento dos sistemas de sinalización, ubicación e balizamento de ser o caso

- Mantemento dos sistemas de seguridade viaria

- Servizos de Protección Civil ou aqueles outros que fosen necesarios para situacións de emerxencia.

- Recollida dos usuarios no seu domicilio e traslado ao Centro de Día, e viceversa, realizándose o servizo cunha furgoneta da que é titular o Concello, totalmente equipada e adaptada para o transporte de persoas maiores e que teñan que desprazarse en cadeira de rodas.

